



ديوان شعر

ديوان
الامير
الامير

مسلم البجلي

بِسْمِ اللَّهِ الرَّحْمَنِ الرَّحِيمِ


المهندس سرمد حاتم شكر السامرائي - Sarmed- Twitter: @sarmed74

قناتنا على التليجرام: كتب التراث العربي والاسلامي https://t.me/Tihama_books

اهداء من مكتبة
البايطين المركزية للشعر العربي
الكويت - ٢٠٠٦ م

زكريات الأرض

ديوان شعر
مسلم البحري



حضرة صاحب السمو الشيخ جابر الأحمد الجابر الصباح

أمير دولة الكويت





سَمُو السَّبِيح سَعْدُ الْعَبْدِ اللَّهِ السَّامِرُ الْهَبِيَاءُ

وَمِنَ الْعَهْدِ رَئِيسَ مَجْلِسِ الْوُزَرَاءِ



سعادة الشيخ صباح الومد الجابر الصباح

نائب رئيس مجلس الوزراء ووزير الخارجية
ووزير الاعلام بالوكالة

ذكريات الأمس

هَذَا كِتَابِي يَا هَلِّ الْعَرَفَ بِاللَّهِ
دِيرُوا نَظْرَكُمْ فِي قَصِيدِ الْبَحْرِ-يَرِي

تَمَعَّنُوا فِي كُلِّ حَرْفٍ وَمَعْنَاهُ
فِي ذَكْرِيَاتِ الْأَمْسِ خَافِي ضَمِيرِي

أَبُو حَمِيدٍ

الاهداء الى

سعادة الشيخ عبد العزيز السعود الصباح

سعادة الشيخ ناصر السعود الصباح

سعادة الشيخ يوسف السعود الصباح

سعادة الشيخ فيصل السعود الصباح

مع أجل التقدير واطيب الامانى

واصدق العرفان

ابراهيم

بسم الله الرحمن الرحيم
المقدمة
بقلم سعادة الشيخ
عبد العزيز السعود الصباح

يسرنى أن استهل هذه المقدمة بجزيل الشكر لشاعرنا الشاب السيد / مسلم حميد البحرى الذى وضع بين يدي جميع قصائده التى اختارها ليضمونها هذا الديوان وطلب منى الاطلاع عليها ولا . أقول أنه طلب منى ابداء رأى فيها وذلك كما هو معلوم انى أعرف شاعرنا الشاب حق المعرفة وسمعت له الكثير من قصائده التى حازت اعجابى ورضائى التامين لما تمتاز به من جزالة بالمعنى وسلاسة بالاسلوب وصدق بالتعبير وانى أتمنى له التقدم والتوفيق .

ويسرنى أن أعتنم هذه المناسبة الطيبة لأوجه كلمة الى حضرات الأخوة الشعراء الذين يقرضون هذا النوع من الشعر « النبط » وخصوصا شعرائنا الشباب وأطلب منهم أن يعملوا بكل جهودهم على تطوير هذا الشعر واطهاره بما يتناسب ومفهوم عصرنا الحديث ولا أقصد بالتطوير أن نغير من أوزان هذا النوع من الشعر أو من التحريف في قوافيه وانما الذى أقصده أن يجتهد الجميع في تطويره من حيث المضمون وتضمينه الكلمات السلسة المفهومة لدى جميع القراء الكرام كى لا يضطر لوضع شرح لبعض الكلمات أو أن نجعل القارئ الكريم يضطر للسؤال عن معنى بعض الكلمات بل علينا أن نجعله مفهوما لدى الجميع .

وانه لما يسرنا أن نلاحظ الاهتمام الكبير الذى يبديه كثير من الناس لهذا النوع من الشعر وأكبر دليل على ذلك هو اهتمام حضرة صاحب

السمو أمير البلاد المفدى الشيخ جابر الأحمد الجابر الصباح
عندما أمر سموه بإنشاء ديوانية شعراء النبط وأولها الكثير من
عنايته وهى مأثره طيبة من مأثر سموه العديدة وكذلك اهتمام
حضرات المسؤولين في وزارة الاعلام وعلى رأسهم صاحب السعادة الشيخ
صباح الاحمد الجابر الصباح نائب رئيس مجلس الوزراء وزير الخارجية
ووزير الاعلام بالوكالة وذلك بتخصيص برامج ثابتة في الاذاعة
والتلفزيون لهذا النوع من الشعر وكذلك في مجال جمعه وطبعه ولا
نسى أيضا اهتمام رجال الصحافة الكرام وذلك بتخصيص صفحات من
صحفهم ومجلاتهم لنشر قصائد النبط ان كل هذه الاهتمامات المشكورة
من قبل كل هؤلاء يجب ان تكون دافعا قويا لشعرائنا الكرام لمضاعفة
انتاجهم للكلمات المفهومة والمعبرة كما ذكرت آنفا ذلك أن الشعر
ما هو الا شعور واحساس وبدونهما لا يسمى شعرا .

والآن يسرنى أن اعود الى ما بدأت به كلمتى وأكرر شكرى وامتنانى
لشاعرنا الشاب مسلم البحيرى راجيا له دوام التقدم والابداع .

والله ولي التوفيق

الشاعر في سطور

مسلم حميد محمد البحيري

ولد في الكويت بمنطقة السالمية في ١٩٥٣/١/١ ميلادي

موظف بوزارة العدل

محرر بمجلة النهضة

عضو في جمعية الصحفيين الكويتية

عضو اللجنة العليا بديوانية شعراء النبط

مشرف على ما تقدمه الديوانية من برامج اعلامية

معد ومقدم برنامج ديوانية شعراء النبط بالتلفزيون

هذا كتابي

هذا كتابي يا أهل العرف بالله
ديرو نظركم في قصيد البحيري

تمعنوا في كل حرف ومعناه
في ذكريات الامس خافي ضميري

الشخص تكشف ما بذاته سواياه
خص ليما طول عليه المسيري

والسيل يتبع يا أهل العرف مجراه
والصبح يظهر والفلك يستديري

وغيب الليل وسرها ما عرفناه
محد عرف باكر عليه اشيصيري

كل يجيه اللي كتب له بدنياه
وما للفتى عن ما كتب له مطيري

وما كل مخلوق خذ اللي تمناه
بعض الاماني والمطالب عسيري

والعز والتوفيق من عالي الجاه
وهوالذي بأرزاق نفسك خبيري

الناس فيهم من ينورك بأرياه
ينصح برايه للذي يستشيري

وبالناس من يعمي دليلك بعوجاه
لا ينور لغيره ولا يستنيري

ابو حميد

درة الخليج

جسم الولي زين اللحن ابتديها
مبدأي ذكر الله وفيه انتهى بها
سبحان من بأمره دجى الليل ينجلي
بأمره مشارقتها وبأمره مغيها
بأمره ذكر الله وصلوا على النبي
المصطفى اللى سيرته نقتديها
هذي مبدأي بالعوارف مثالي
يا لله عسى الجهد الهى يثيها
كل ومجهوده وقوة قريحته
وكل على مادل فكره يجيها
هاجت وماجت بالقوافي ضمايرى
وتفجرت واخبرت منها عجيها
أبيات شعر يا لعوارف تسمعوا
من راس شاعرها لمسمع أديها
وأسباب ماهيض غرامى وشاقى
أفراح دارى جعلها تهنى بها
كويتنا اللى عايشين بظلهها
نفرح لفرحتها ونكعم حريها
وفي عيدها العشرين نفخر ونفتخر
ونرجى الولي عين الحسد لاتصيها
درة خليج من لجسى في ظلالها
يرتاح من سود الليال وعصيها

دار على نهج المكارم تأسست
 من عقود الشرف يتديها
 أذعوا لها بالعز في كل محتفل
 يا لله عسا التوفيق دائم نصيها
 الله يهني في فرحها أميرنا
 أميرنا اللي من سلايل نجبيها
 الشيخ جابر كاسب الجود والثني
 بأفعاله اللي كل دار تحكيها
 قائد مسيرتنا بعزمه الى العلا
 مكرم هل الديره ومكرم غريها
 والله يهني ممن تولى بنا العهد
 ابو فهد نسل البطل يا غريها
 يا بن الحبيب اللي نفاخر بسيرته
 اللي بقعه فل جهده طليها
 والله يهني بالفرح كل شعبنا
 مبروك يا شيانها يا شبيها
 ايضا ولا ننسى هل الجود والشرف
 اجدادنا اللي جاهدوا عن شعبيها

لو تنطق الرقعه بيوم مضالها
تشهد سواحلها وتشهد غيبها
والقصر الاحمر خير شاهد لفعلهم
ان الرسوم الباقيه نهتديبها
اقولها والحق تظهر دلايلها
واللي خفا منها يعرفه لبيها
الله يرحم من توفوا بقاعها
وينجيهم الله من سعائر طيبها
ومرحوم يا شيخ لنا أسس البناء
ومرحوم يا تابع مسيره حبيبها
ويا دار لك مني عيالي ومهجتي
فدوه لدار غاذايتني بطيبها
يسوقني للطيب ساسي وعزوتي
والعزوه اللي دولتي تعزيبها
ولا خير في شخص تردى بديرته
وانكر خان امه وصافي حليها
هذا جوابي يوم كل وجابته
أبديت ما بالنفس والله حبيبها
واختامها ذكر الولي خير خاتمها
مبدأي ذكر الله وفيه انتهيها

عيد الوطن

يا ولي العرش يا منثبي الغيوم
يا حكيمٍ غير حكمك ما يدوم
يا منثر بالسما بيض النجوم
ويا مرسي القاع في سود الجبال
يا ولي عالمٍ في كل غيب
يا منثبي الفلك في زرق الغيب
يا مدير الشمس بأمرك للمغيب
والقمر من قدرتك يرجع هلال
نطلبك يا الله وأنت المرتجى
لا حشى ما خاب من فيك التجا
من لنا بجمالك يا المولى نجى
ما يضدنه عواكيس الليال
يا منثبي الروح في صلصال طين
يا ولي مالنا غيرك معين
راكعين وساجدين وصائعين
وللك حجيج ومجهدين بالسؤال
ونطلبك عيد الوطن جعله يعود
عيد دار العز مسكان الحدود
في ذرى جابر ومن هم له عضود
حيثهم للشعب ماشين العادل
تمت وصلوا على سيد الأنعام
هو شنيع الخلق بايام الزحام
عد من لي ومن صلي وصام
وعد ما هلت هماليل الخيال

في رثاء حضرة صاحب السمو الامير الراحل الشيخ صباح السالم الصباح رحمه
الله واسكنه فسيح جناته

يا الله يا لى بأمرك الفلك يندار
يا عالم في جهرنا مع خفانا
يا عالم غيب الليالى والاقدار
بأمرك بدايتنا ولك منتهانا
نرجيك يا لمعبود شيبان وصغار
يا جابر المكسور تجبر عزانا
من عقب ما حزنت بأمرك هل اللدار
وكسرت عبرتنا بداخل حشانا
واخذت منا بأمرك الوالد البار
أميرنا اللى بالمووده رعانا
صباح أبو خيرين للدار والجار
في حال والاحمال يكعم عدانا
يوم ان والى العرش مده بالافكار
ماشح برياه الحكيمه غذانا
سرننا على نهجه وهو بالوطن سار
للعز والعليا مشى ماتوانا
قبل أمس ييدى للعرب حسن الاشوار
واليوم روحه ما اصبحت في حمانا
وصارت مشاريعه لنا دوم تذكار
نفتنا ولا تفنى طوال الزمانا

يا الله ترحم من توفي عن النار
لك يا عظيم الشأن نكثر دعانا،
تلطف بحاله عند زوجات الابصار
وتجزاه بالجنه على ما جزانا
وتضنى علينا من ستايرك بستار
نرجيك يا الله لا تخيب رجانا
عبيدك اللي مالنا بد وخيار
يا الله لا تفرح علينا أحمدانا
أخذت كار وصار بأمرك لنا كار
حرَّ عقب حرَّ شهر في سمانا
الشيخ جابر من وفين الأشبار
أميرنا اللي كامل بالرزانا
ندعيه التوفيق عن كل الاخطار
يكمل مسيرتنا ويحرس لوانا
يا خالق المخلوق علام الاسرار
يا الله للصالح تسدد خطانا

بمناسبة عودة حضرة صاحب السمو ولي العهد الامين

الشيخ سعد العبدالله السالم الصباح للبلاد سالما

مرحباً يا شيخنا وألف ترحيبه

عند ما هلت هماليل الامزاني

أحمد اللي جابكم عقب هالغيبه

وأحمد اللي رد لك شوف الاعياني

حقّ أفرح في قدومك وأهليبه

يا ولي العهد يا طير حوراني

كل شعبك زابسات تراحيبه

قام يبدع يوم عودتك الالواني

موجب انه عارف شخصك وطيبه

عارف موقفك من ماض الازماني

لك مواقف على غيرك صعيه

نادر موقفك ياذرب الاعماني

وافسر بالعرف والحسق تمشى به

ودوم وجهك باشهب الوقت ماشاني

تتعب وعينك من اتعابك تعيبه

جعل ربي دوم يحزك الاحساني

قلت هذه الايات بمناسبة احتفال ديوانية شعراء النبط بعيدها الاول السنى
اقيم تحت رعاية حضرة صاحب السمو امير البلاد المقدى الشيخ جابر الاحمد
الجابر الصباح

وقد غنيت ضمن فقرات الحفل

يا هلا يا مرحبا يا سهلا
زادت الافراح والمهم انجلا
كلنا يا شيخ قلناك هلا
ومرحبا يا شيخ جابر مرحبا
جيتك يا شيخ زادتنا شرف
قالها العراف والعارف عرف
والله ان الطيب عنكم ما تخرف
وارثين الطيب عن جد وابا
من شواعير النبط نهدي سلام
ومن خواطرننا تحميه واحترام
عد ما غرد على القصن الحمام
او عدد ما هب نسانس الصبا

الحكم والامثال

لا تحسب انك تبي ترضى بفعلك جملة الناس
الناس ما ارضاهم اللى خالق سبيع السموات

مير اجتهد بالفعل الطيبه في كل مرواس
واعرف ترى اللى فعوله طيبه لو مات ما مات

خذ قليل المخرج عن طول الجدال
كلمة عند العوارف سايده

يا فتى من لا يعبدك راس مال
خذ وصاتى لا تعده فايده

كل دار به قروم وبه رخوم
وكل بيض فيه بيضه مارجيه

ما يسدون اللزوم الا القروم
كلمة عند العوارف دارجه

ولا تحسب المسم والشده تدوم
للعسر تيسير والله فارجه

من عاداتنا

نجدود بما تجود ايماننا للصاحب الغالى
ونعززه بالمعززه يا وطاه من الدهر ميله

وانا احمد والى القدره لنا بالعز مترالى
مشينا من نشينا بالوفى والصدق قنديله

تبعنا فى مماشينا علكم ماضين الافعالى
ولا عشنا مع العالم بسلك الغدر والحيله

نساند من ساندنا ونرفض كل دجالى
ومن يصفى لنا قلبه قلوب الكل تصفيله

ابو حميد

يا العين

يا العين كفى عبرتك لاتبالين
دمعك على الخدين ضيم وظليمه
ما صار صار وفيه يا العين راضين
واللى بقا ياعل ربى يديمه
ما يستضيق اللى سواتى من البين
الا ولا غير الايالى تضييمه
يضيق من لاله مع الناس غالين
يا شاف من وقته مبال وهضمه
والا فنا يا العين ربعى عزيزين
ولى عندهم يا العين عزه وقيمه
كل يقول بواجبك مستعدين
وفزعاهم فى موجباتى هميمه
بعض العرب قربه يساوى ملاين
وبعض العرب فرقاہ عندك غنيمه
والتجربة للشخص اكبر براهين
ومنها تعرف اهل النفوس الكريمه
اقولها باللى با لاصحاب وافين
اللى لهم بالقلب قدر وحشيمه
ويا الله قدرنى على اوفايه الدين
حسنالك يا محيي العظام الريمه
ومن لا يجازى فاعل الزين بالزوين
ما ظننتى عنده مرؤه وشيمه

الحمد للى

الحمد للى بدل العسر بالهون
والشكر للمعبود فى كل حاله
ومنون انا لمقدم الطيب ممنون
نعم بصدقان الوفا والجماله
صاروا بجسمى عضد ومتون وعيون
يوم ان وردى قاصرات جباله
من رافق اهل الطيب ما بات محزون
مقيولة واقولها بالعماله
والطيب بين الناس داين ومديون
ومن طاب بأهل الطيب ما شان فاله
يا الله تجزا فاعل الطيب بمنون
وتقبل دعا بالخير شخص دعاه

الألفية

غاب القمر والصبح بانت شروقه
والعين حلو النوم عيت تذوقه

وبديت قافٍ وافيات طروقه
التيبة والمبتدى على الشان

الالف ألقت المثايل وبديت
ذكر الله الى محصى الحى والميت

المعتلى علام ما كان كنيست
فى ظامرى وادعانى اليوم عمسان

البا بثنى للنبي والصحابه
حقّ علينا ذكرهم يشنابه

ولا مقصدى من ما بدعته طرابه
يعلم بى الى عالم كل ما كان

التا ترى ما يبدع القاف مرتاح
ولا يضحك المفجوع حلو التمزاح

ولو يبدعه كنهه طعام بلا املاح
ماله طعم يثر على الحال نقصان

الثا ثمان اسنين والقلب مفجوع
لا طابع غيرى ولا نيب مطيوع

اسههر الى ان الفجر بان بطلوع
متكدر جفنى عن النوم سهيران

الجيم جار الوقت والوقت مذموم
ولا صفالى بالحننا منه لو يوم
جار الزمان وبدل القوم في قوم
ولا يذكر الا اللى من المال ملبان
الحا حرار القوم ضاعت مع الناس
الوقت عاداهم وداس الذى داس
وطاوع كثير المال لو هو من الانجاس
وعصا بعض يا ناس ذربين الايمان
الخالوى الطيب ما ظن تلقاه
اللى ليا حدك عنا الوقت تنصاه
اقفازمان الطيب وين انت وياه
فقير ما عندك رصيدٍ وعمران
الد دوابى من عنا الوقت دالوب
كن الغضا في ماسط القلب مشبوب
عفت الطعام وعفت انا كل مشروب
من ذا الزمان اللى جزانى بنكران
الذا ذهب ها الوقت ماهوب صافى
ناس يغرونك بزوين اللصافى
واليا بخته بان ما كان خافى
حديد ماله مع هل الجود ميزان
الرا ربيع النفس بالدين محمود
لو هو فقير يدرك الجود ويجود
ولو تطلبه شى ولا هوب موجود
فى منزله يوقف مواقيف ديقان

الزا زرعت الطيب والله شاهد
وبالعون ما قصرت فى حق واحد
انا احسب ان الزرع يثمر لحاصد
واثريه صبيخا من زرع فيه خسران
السين سل عن صاحبك قبل الاسفار
قبل تغرب عن مرابعك لديدار
كانه عنيد ودايم الدوم عسار
خله ترى ما يبصر النور عميان
السين شاب الراس والسن توه
من ذا الزمان اللى فلابه مروه
يا الله راع الطيب يا الله قوه
على زمانٍ شيب اليوم شبان
الصاد صابر والصبر درب الافراج
وارجى الذى منه المخاليق ترتاج
انه يفرج لى مع الضيق مخرج
واجازى الطيب على الطيب بأحسان
الضاد ضحك الوقت لاتنخدع به
لو هو حلا نومك وزادك وشربه
الله من تاجر زمانك غدر به
خلاه عقب المال ما يملك غران
الطا طيب النفس غاية مناها
ولا تسمع اللى عن طريقه بهاها
كم نفس ماتت موصلت مبتغاهها
أنشد وتلقا اللى نظمناه وكدان

الظا ظهر خافي ضميرى وسجلت
 قافى وانا مبطى عن القاف ما قلت
 ولا نيب خاييف بالتمثيل ما علت
 والحق يظهر له شهود وبرهان
 العين عن هرج القفا دوم حذراك
 تراك ما تكسب ورا شيله امسلاك
 كم من هروج قطه المرح بشراك
 واسبابها من قولة فلان لفلان
 الغا غنى النفس يا طيب فالفه
 يقالله نعمين يا جاجاله
 والاردى النفس راعى نذاله
 لانافع نفسه ولاهوب ربحان
 القفا فعول الطيب ترفع جلالك
 يا صرت طيب كل شخص يعنالك
 ولو مت في وسط المجالس عيالك
 لوهم صغار ما يشوفون حقيران
 القاف قلت حياىى وأجتهادى
 فى ذا الزمان اللى به الطيب غادى
 عندك خبر ما كل علم وكادى
 بالناس صدقان وبالناس كذبان
 الكاف كم من طاح بالحيس مظالموم
 وهو سليم الخوف لاشك متهموم
 ما قدر المولى على النفس مفسوم
 ولالك على ما قدر الله عصيان

السلام لا تبدى على الناس خافيك
 ماكل من يضحك بوجهك يدانيك
 كم من صديقٍ تحسب انه مصافيك
 وهو خسيس بالمواجيب خوان
 الميم مالك عن نصيبك مفراً
 ان كنت فى جو وبجرٍ وبراً
 ما قدر الوالى عليك استقرا
 اللى خلق من طينة القاع انسان
 النون نوح الطير لاتحسب انه
 غنا طرب يا التمرم من زود فنه
 يمكن معاسير الليالى وطنه
 ما كل طير يزعج الصوت طربان
 الها هنى اللى تمسك بدينه
 قبل العدم بالغى تقضى سينه
 نفسه لصومه ولصلاته فطينه
 هناك له فى جنة الخلد مسكان
 الواو ودى مير ما هو بكيفى
 ان العرب تمشى بقلب نظيفى
 غنيهم ياطمن بحال الضعيفى
 حتى تساوى الناس فى كل الاوطان
 اليا يعمل الله يقبل دعواتى
 حيثه علم بسيتى وحسناتى
 وانخاتمهم صلوا كثير الصلاتى
 على نبين خاتم كل الاديان

وصية

انا بوصيك يا حميد وصيه خلها مرجاع
تذكرها ليا منك كبرت وصرت رجالي
وصية من هنا عينه يشوفك نادر بتاع
تفوز بعالي المنصب وتاخذ زين الاعمالى
انا سميتك حميد على اللى شاع ذكره شاع
على جدك ترى جدك كسب زينات الافعالى
ترى ما للمصايب سوق تجلب له وفيه تباع
تجيك بقدره المولى وبأمره عنك تنجالى
فلا تجزع من امر الله وخلك للقدر مطواع
ولا تقطع رجا الرحمة وللعسرات حلالى
وخذ ما يقسم الله لك وبالك لاتجى طماع
ترى الارزاق حظ وقسمة من ربك الوالى
ولا تحسد مغيب ولا تصير للتمته قطاع
على شان الحضور تقدرك وتصير بالعالى
وخلك واسع الخاطر وحذرا لاتجى جزاع
ترى في وسعة الخاطر وفهم العلم مدخالى
وخذ من لذة الدنيا ليا زانت لكم مربع
ولا تنسا ترى عقب الربيع دخول الاخمالى
ولا تشفق على خل نوى عن دربكم ينصاع
ترى هذى سوات الوقت بالمخلوق مبالى
وانا قد قيل من قبلى فجوج الغانمين اوساع
ليا ضاقت عليك اختر لعز النفس منزالى

سلام منى

ارسلتها لولدى عندما كان مسافرا مع خواله

سلام منى عد ما هب نسناس
وأعداد ما ذعزع هبوب الغرابى

واعداد ما يولد ويفنى من الناس
من خلقمة الدنيا ليوم الحسابى

سلام أحلا من ثمر نبت غراس
وأحلى من الصحة لشاكي الصوابى

بتحية منى بلا عد وقياس
كبر السما وكثر البحر والمضابى

صفطان للى هوريعى عن الياس
لحميد الغالى عزيز الجنابى

عساه يسمعى هوى زين الالباس
وهو مريح ما وطاه العذابى

لو كان خلانى من الهمم محتاس
ألعى وذكره عن منامى جزابى

يتل قلبى تسع وتسعين هوجاس
هم يحدربى وهم رقابى

ما غير اطالع صورته عقب الافلاس
وصيح باسمه مير عيا ينابى

واخط له شوقى وهمى بقرطاس
اخط له والدمع يحى كتابى

ولالى جدى غير الوصيه من الرأس
تكفى يابن سالم من اللى بلجابهى

اوصيك بحميد عن الهم والباس
دامه صغير ما يثمن جوابهى

لولا غلاكم ما رضىنا بالأرماس
والله ما يفتخت حميد ترابهى

يا الله يا مرجع على محمد ادباس
ترد لعيونى عزيز الجناهى

وختامها لى وقوف وجلاس
وسلام منى عد هب الغرابهى

هلا فيك

هلا فيك يا حميد هلا فيك
هلا يا بعد ذولا وذولاك
عس الله يا حميد يخليك
يخليك لعيون ترجاك
يوقفك في ممشاك واليك
ويحرسك ولى العرش بخطاك
نرييك يا حميد ونرجيك
تعز الذى عزك ورباك
ترى عز نفسك عز اهاليك
كما عز جدك لاعدمناك
يقوله ضمير دوم مغليك
عس طيب جدك من سجايك

دستور الليالى

راجعت دستور الليالى والايام
وابديت ما كدر ضميرى ولاءه
فى وصف دنيا جورها ماله احكام
حتى الفقير تشاركه فى متاعه
دنياً تشوف ابها حسود ونمام
وياقل ما تلقى رجال الشجاعه
كم من عزيزٍ ضده الوقت وانضام
وكم من خسيسٍ ساهمت بارتفاعه
وكم من حظيظ نال غايات الاحلام
ونال السعاده والهلى فى ذراعاه
وكم من حزينٍ لويبا النوم مانام
وماله من اللذات غير استماعه

وقت السعة

يا ابو محمد يا زبون الوئيه

ما حاجة تمتن لفلان وفلان

عينا عيونك فى صباح ومسويه

الطيب يجزى طيب والفعل برهان

ما تسهر عيونك وعيني هنيه

ولا يضحك حجاجى وخاطرك عمسان

من لايساند بالشدايد خويه

وقت السعه كل المخاليتق خلان

هذى سلوم اجدادنا الاوليه

وحنا ورثناها مواريث جدان

اهدى هذه القصيدة الى الأخ العزيز حمود الحماد أما الآن يقرأها هو
والابن مشارى بالصحة والسلامة

البارحة جفنى جزى عن حلا الترم
امست عيونى كل نجمٍ تخيليه

وبن اهتئى بالنوم والقلب مهموم
لولا الحيا قلبى تزايد عويله

والكبى ما ذاقت من الزاد مطعوم
الاشرابى من دموعٍ هميليه

هذى سوات اللى من الوقت ملطوم
اللى من الدنيا همومه حصيليه

يا جاه خطٍ من عزيزٍ ومحشوم
مما وطاه من العنا يشتكليه

يا حمود بن حماد خمسة عشر يوم
ونخطك على اللى مرساه ينقريله

تقول باح من العنا كل مكتوم
زادت على نفسك همومٍ ثقيليه

تشكى ولا انته في شكائك مليوم
تشكى ولا لى في شكائك حيليه

ما قدر المولى على النفس مقسوم
مقسوم لو هو ما يجيها تجليليه

عندك خير بالناس معطى ومحروم
وكلن على حظه وليه كغيايه

لاشك ابطلب فارض الخمس والصوم
الواحد الخلاق منجى دخيله
وارجى عما مشارى من فراشه يقوم
طيب وينعم بالحياة الطويلة
واشوف زوله بين طيب وشغوم
يسرح ويسرح بالعلوم الجميله
ويا حمود لا تيأس ولا تكثر اللوم
ماهى على جزل العطا مستحيله
سبحانه اللى زين الكون بنجوم
وارسل محمد بالهدى والتفصيله
تم الجواب وكان قصرت بعوم
ارجى السماح وخطكم نحتريله

خط لفانى

خطُّ لفانى حرك الجاش تحريك
وذكرنى اللى ماضى مع هذولاك
ياحسين خطك ما حشى فيه تشكيك
علم وكاد وخابره من سواياك
تلوم قلبى يا اشتكى من هوى ذيك
الله يصبر ظامرك عن هوى ذاك
وشبك تلوم القلب تنسى بلاويك
ماكن صابك من هوى الترف مشقاك
الله يقوى العون منى ويهديك
حيث ان قلبى صايه مثل ماجاك
هذى تدابير الدهر ما تخليك
لازم تحمل يا فى كل ماجاك
يا حسين كان الله على الرشده هاديك
لاتتبع اللى باع ودك وخلاك
خل الغلى للى يودك ويغليك
ودايم تشوفه بالمهوى يطلب رضاك
ولاتتبع اللى عاصى مايدانىك
كد قلتها لى مير علمك تعداك
وان كان خلك يوم قفا مصافيك
وقصده يبسين يا بو أحمد خفاياك

لا تترك اللى دايم الدوم يطريك
قضى شبابيه في رجبى الله ورجواك
إحرص على اللى صافى لك وباغيك
تراه صابك من هوى البيض مكفك
وياحسين عن طرد المجفين بنهيك
يا ما وطانى من تدابير الأفلاك
يوم تضحك لك ويوم تبكيك
ويوم تغير صاحب سار ويك
هذى وصاتى كان علمى نفع فيك
وأنا سنيد اللى حليك وشرواك

بمناسبة زواج احد الاصدقاء

تهنيت

يقول البحرى يا اهل الجود
تهنيت يا الله عرسك اليوم
وعسى تهنى فى ناعم العود
وسعى عرسكم بالعز فختوم
نسب عريب طيب جود
وبنت الذى ما يتقل الزوم
فرحنا بعرسك ماله حدود
ولو بان صبح وغابت نجوم
وعسى خير من عانوك لالزود
وعسى الله يسلم كل مشوم

باب الفزل



« خافى الطبع »

ياللى تسمى من بدأ الصد غدار
وانت الذى عندك خبر فى صفاته

انت الذى فى خافى الطبع خبار
وكل طبعه تكشفت اللى بذاته

قلبي يودك مير عاصته الاقدار
وما للفتى عن ما قسم فى حياته

رضيت باللى صار يوم الهوى دار
ومن ضاع بومه ما نشد عن عباته

وكتمت فى قلبى خفيات الاسرار
ادراك عن هرج العذول وشماته

ياللى تسمى من بدأ الصد غدار
وانت الذى عندك خبر بامنياته

ودى على لاماك لاشك ما صار
وما كل من يزرع يذوق ثمراته

انت الذى ما غيرك القلب يختار
انت الهنا وانت المنى بامسياته

انت الذى لك فى حشى الروح تذكار
ما منه ملت مهجتى من حالاته

اضحك وانا فى خاطرى هم وافكار
واللى خسر غاليه هذى سواته

يا لى تسمى من بدأ الهد غدار
يا حيف تجحد يا لقضى تضحياته
وسميتى غدار وابت الانكار
كانه صحيح العلم بين ثباته
تراي بالمجران راضى وصبار
لاشك خلك لاتزيد بشناته
هذى علومى وانت توصلك الاخبار
وكانك على ما فات لاماك هاته
وكانك نسيت الود يا ظبى الاقفار
قلب البحرى ما نسى ذكرياته

اعاتب

الايا شوق يكفى لانعاتب
تعابتي وانا مابى كفانى
الايا شوق والله منت مثلى
ولا فاجاك ربع اللى فجانى
تحسب اني نسيت ايام ودك
نسيت وعنك نساني زمانى
الايا شوق كان انك تذكر
زمان فات لك قبل ارضانى
فأنا ما غاب عنى لو دقيقه
ولالى غير شوفتكم امانى
أمني الروح في وصلك وانا ادري
علي ابعدمن سهيل اليمانى
نعم ما عاد لي بالوصل حيله
وانا اللى بعث من قلبه شرانى
على اللى صار ياخلى اعاتب
ضميرى بالدقايق والثوانى
وتهل الدمع عيني فوق خدي
ويعبر عن آسى روحى لسانى

ما فيه داعى

يا سيد الخفريات ما فيه داعى

ما نيب من لا يفهم العلم مقلوب

فهمت قصدك واستعد لوداعى

واللاى يبي يى رى مة قدر ومكتوب

ابشر بفرقا ما وراءها اجتماعى

والله لصبر صبر عواد وايوب

لو كان بالفرقا بداية ضياعى

لا شك مالى بد دام انت مغصوب

مجبور اقدر يا حبيبي وراعى

وادرى واصون الحب عن كل عذروب

لو كان تجمعنا صدوف اللواعى

في محتفل والا على غير ماجوب

بصد عن وجهك قدر استطاعى

ماكن لى من بين الأزوال محبوب

حبك كما تلج من الشمس ماعى

والا كما مائ على النار مصبوب

قد يتساءل بعض القراء الكرام عن صبر عواد الذى ورد في هذا البيت ،

ابشر بفرقا ماوراها اجتماعى

والله لصبر صبر عواد وايبوب

وعواد هو المرحوم عواد السحيب العازمى وقصة صبره كالآتي في احدى السنوات حل عواد السحيب ضيفاً على احد رجال البادية وصادف ان ذلك الرجل قد حل عليه ضيوف قبل عواد بقليل وبعد ان شربوا القهوة وتبادلوا اطراف الحديث حان موعد العشاء فقال الرجل المضيف لضيوفه تفضلوا على عشاكم حياكم الله فقاموا الى صحن العشاء وجلس كل الموجودين حول الصحن في حين جلس صاحب البيت وضيوفه الذين كان عواد احدهم على صحن خاص وما ان ملوا ايديهم للاكل حتى احس عواد بأن شيئاً ما تحت ساقه وكان الجو مقمراً فنظر عواد تحته فأذا به يرى ثعباناً كبيراً قد اندس بين الاعشاب وبين ساقه فمد عواد يده بكل حذر وامسك برأس الثعبان وظل جالساً يسايرهم بالاكل حتى فرغ كل الموجودين من الطعام فوقف عواد وقال لصاحب البيت زيدوا من اشعال النار لان معي ثعباناً قد امسكته عندما كنا على العشاء خشية ان يلدغ احداً منكم فقال احد الضيوف بل اتركنى اقطع رأسه بهذا الخنجر فأخرج خنجره وقطع رأس الثعبان وتخلص عواد من ذلك الموقف المحرج

واصبحت تلك الحادثة مضرب مثل لكل من يعرفها لقوة صبر وشجاعة عواد السحيب رحمه الله .

يا لطيف الحشا

يا لطيف الحشا لو فرقتنا الليال

ما نسيتك ولا قلبي لغيرك يريسد

حافظ جبكم لو كان عز الوصال

ولو تشح الليال المقبله ما نحيسد

انت شفى وكيفى وانت تسوى الحلال

وانت جبك بقلبي كل يوم يزيسد

اطمئن وتطمئن يا مليح الجمال

ماطرالى بدالك يا الغسزال القريسد

والله انى عن علومك كثير السؤل

انشد اللى قريب وانشد اللى بعيد

ان حزننوا حزننا يا حسين السدلال

وان فرحتوا فرحكهم صار لى يوم عيد

عاذل القلب

عاذل القلب عن وقت مضاه وفات
خل شورك لنفسك والا اناله عصيت
دام ما باقى لى غير هالذكريات
بتلذذ بذكر اللى مضى ماحييت
لو يقول الجيب كل ما فات مات
والله انى حبيبه لو نسي ما نسيت
ثابت حب خلى في ضميرى ثبات
مثل ما يثبت ان الخلق لا يبد ميت
وفي جميل السجايا ما نطيع الوشاة
واسمع العلم منى هيه يا اللى وشيت
يتمنى وصال الشوق طول الحياة
ولو طلب منى الروح العزيزة عطيت

يا ثلاث

يا ثلاثٍ بوسط السوق انطحنى

لو بعد أوصافهن ما احصى عددها

عاكسنى عن طريقى واخلفنى

لدين نفسى يبحت خافى جآدها

مستحى لاشك منى ما استخنى

قالت السمري وهى محذون نشدها

يا لبحيرى عاقله لاتحسبى

وعارفه بمياهكم واللى وردها

قلت علمك قالت البيض اجرحنى

وانت حكمناك فى غيبة حسدها

قلت هذى مستحيله واعذرنى

لا تزيدن فى عنا النفس ونكدها

والهورى صديت عنه وصد عنى

خالصٍ مخلص روح من جسدها

الليالى عن طريقه بعدنى

من سبايب جادل قلبى فقدها

يوم تميت السوالف شبهرنى

واخزرنى واستدارن من بعدها

ثم قفنن يا سعد ما ودعنى

عقب هرج عندى احلى من شهدها

انتى حديثى

يا شوق جبك بلا مقياس
ماله معاير وقياسى
لو قلت انخفيه يالمياس
مقدر ويفضحنى احساسى
وياخذنى الشوق والهوجاس
واصيح بأسمك واناسى
ولو كنت جالس وعندى ناس
انتى حديثى بجالسى
ولو غطى النوم عقب انعاس
طيفك ييجى مع انعاسى
ولو كنت جالس بلا جلاس
يكفى خيالك عن الناسى

حل الفراق

حل الفراق وفتّق الجرح الجروح
راعى الهوى يا من يداوى جروحه
عقب الطرب صرت اقضى الليل بالنوح
والدمع حرقّ محجر العين فسوحه
بأمر الوحيد المعتلى منشى الروح
كل يجيه اللى كتب له بالسوحه
اثرى النصيب وما كتب لى بالسوح
فرقى اللى روحه لروحى نصوحه
الجادل اللى بالتواصيف مملوح
قبل أمس جانى نور عيني بروحه
يقول دربك مالنا فيه مصلوح
عطى مكاتيبى بنفس سموحه
صح الخبر ماهو هرايد ومزوح
اترك على غيرى تسوق الصبوحه
ولا تحسب انك يا هوى اليبال مسموح
خلت قلبى كل طاري يشوحه
ودنقّ وحلقتنى عن السد لابسوح
واقفا كما تقفى عن الحى روحه

بنت الاجواد

البارحه جتنى عنود المزيين
من عقب فرقاً ذالها اليوم عامى
جتنى عنود الريم مايه مع اثنين
بالحلم ما جتنى حشا بالعلامى
قلت اشتبين وقالت اطلبك ثنتين
رسايلي واللى بقى من غرامى
حقّ على المديون بوفاية الدين
وادخل على الله وفهن بالتنامى
قلت انصفتى بالله ياغرة العين
بين المكنون مايب كامى
جيك غدا يا بنت الاجواد نصفين
فى جسم محزون طواه الهيامى
نصفّ سرى بالدم وسط الشرايين
ونصفّ بلجى وسط اللحم والعظامى
وشلون ارجع دينك اللى تريدين
بالله دلينى وأنا بلتزامى
قلت عوايد يا مصيب النياشين
الملح ما يطفى لهيب الظوامى
ثم استدارت قلت يا بنت ليويين
قالت عنيد ولا تطيع الكلامى

هَلَّتْ أَنْتَى اللّٰى دَائِمٍ مَا تَطِيعِينَ
وَلَوْلَا عُنَادُكَ مَا جَنَيْتَى مَقَامِى

وَفَزَيْتِ مَزْحُومٍ مِّنَ الْغَيْضِ لِلزَّيْنِ
وَإِثْرِيهِ طَيْفٍ زَارِنِى فِى مَنَامِى

لحن الخلود

يا حبيبي كل شيء له حدود
وانت مالك حد بعنادك معالي
وانت غاية منيتي في هالوجود
وانت مفتاح السعادة يا هوای
وانت حبي لك عن العالم بزود
انت كينفي وانت زادي وانت مای
والله انسى ما تعديت البنود
ماشي بررضاك يا غاية منای
وانت يا المجمول دايم لي عنود
كم رجيتك مير ما تسمع رجای
وكل ما ظنيت في وصلي تجود
زدت يا عذب السجايا في جنای
تحسب انى مانى بجبك جلود
او تحسبى وصلت لمنتهاى
لا ورت البيت يا صافي الخلود
ما نويت اجنالك لو زدت بشقای
حبي بقلبي كما لحن الخلود
في حياتي والله اعلم في فناي

ثمان الشهور

ذالى ثمان شهور ما قات فى

عندى خبر فى كل دربٍ له سلوم

اكتم واعمال على بالتمنى

اقول وذاشى على النفس متسوم

واليوم يا صالح على اكثرنى

طوارين زادت على القلب بثلوم

يوم ان كل بالمنام متهنى

انا سهير وحرابت عيني النوم

ياخوك غير صويحبي ماشحى

ايضا ولانى فى هوى الغير ملزوم

لاى عليه القلب دايم يونى

كنى عقب فرقاها بالوجه ملطوم

اليوم لى ماشفت حلو التشى

تسعين ليلة ضابط العد واليوم

ياخوك ضعت وضع العقل منى

عذراء تنادى باسمها دايم الدوم

الياسمعت اسم الحبيب دهنى

اهمومى اللى ياخضرن مقدر اقوم

عليه انا العنى والعيون ذرفنى

امشى وفكرى يافتى الجود معلوم

تمت اليبال بالعذاب اخبرنى

حتى يصير بدفتر القلب معلوم

والا الليال اللى مضمن يرجعنى
 والله لساوم لو تعالى بى السوم
 والا الليال اللى يحن يمهلنى
 والله لسفه هرج الأندال واللام
 وش عاد لو عقبه صغوف يحنى
 خالى قمر والبيض من حدره نجوم
 اليوم يا صالح عليك ارجهنى
 تجبر عزا اللى من هوى البال محروم
 ما ظننى انى يا طلبتك تمنى
 لك ساس ناس ما يمنون وقروم
 من لابة عاداتهم يذكرنى
 كم شتتوا غارات قوم بثر قوم
 وترى القوافى يا فى ما عسرنى
 لا شك حلو القاف بالطيب مختوم

جبل الوصل

البارحه يوم كلّ في منامه غط وارتاح
يا عبيد يا عبيد عيت لاتذوق النوم عيني
سهرت اجاهد همومي لين بين نور الاصبح
هم يفارق وهم يا ولد فالح يجيني
اسباب ماسهر العين الشقيه بارق لاح
ذكر حزين الضماير جادل قلبه يبني
الجادل اللي مشالي دون غيري درب الانصاح
عندي خبر في ضميره ما يبي غيري خديني
ابو عيون كما عين الوحش بأشباك طراح
حرّ نخاليب كفه تسطح الحرب السميني
وياما وياما خدينا في ربيع الود مسراح
وياما سفهت وسفهني هرج ناس حاسديني
واليوم قفا كما غيم جلاه الريح ونزاح
الله يسر ياخو صالح على موسى الجيبي
حيث ان حظي وحظه دون جمع شمولنا طاح
ومال التقدر والبخت بفراق شمل العاشقين
ولا عاد لي غير تذكّار الزمان اللي لنا راح
يوم ان جبل الوصل ممدود من بينه ويبي

سهيل اليماني

ذالى زمان^١ ما بدعت القصايد
ماهوب قصدى عجز لاشك ما اريد
عندى خبر ما بالقصايد فوايد
الا عذاب وزود هم^٢ وتنكىد
خص^٣ لمن مثلى شفوفه بعاید
ابعد من سهيل اليماني عن البيد
وبالعون والله ناب الاردا فكايد
واعسر على^٤ من شوفة حميد وعيد
واليوم جاني من صديقتي نقايد
يقول حايد عن حكى زيد وعبيد
عندى خبر قوله صحيح ووكايد
من حسن نياته يبي صاحبه سيد
ودى مثل ما قلت يا عبيد احايد
لاشك عن سيد المزايين ما احيد
ايا زعل شبت يجوفى وقايد
واليارضى يا عبيد كل السنه عيد
بلاه يوم انه بيوم الشدايد
صدقنى وكذب كلام الحواسيد
صاف الجبين اللى خصاله حمايد
صدق كلامى دون جلف وشواهد

واليوم لو نبدع جديد التصايد
ولو ابدى المكتوم واقول واعيد
عندى خبر يا عبيد ماهوب عايد
من بينى وبينه كثير اللوايد
لومى على نفسى بجنون الوعايد
ولا ان قلبى وافين بالمواعيد
كله سبب نفسى همومى حشايد
وعقب الصفا وجهى كثير التجاعيد
وحالى نفا ما عاد منها شرايد
وقلبى تجند للهواجيس تجنيد
وفكرى غدا والحيل هيدوك بايد
والشيب بان وصبغة الرأس توكيد

عذب السجايا

عذب السجايا ناعس الطرفين
عزّم على السفره وخلانى

اصفق شمالى يا أهلى بيمين
واعتب على وقت تحدانى

قلت المغيبة قال لى شهرين
اصبر ودر بالك تناسانى

قلت الصبر عقبك صعب وشين
يا شين عقب القرب هجرانى

مالى جدا يا صافى الخدين
مالى جدا بعطيك عنوانى

اطلب عسى الله يرجعك يازين
واشوف زولك وسط الأوطانى

حسين الزول

لفانى طارشٍ من صوب خلى
حسين الزول منى يشتكيله

يعاتبنى على هجرى ويشرح
عذاب الشك والفرقا الطويله

حلفت لطارشه لو غبت عنه
وطالت غيبتى تسعين ليله

شريك الروح عايش فى ضميرى
حشا لله ما ادور بديله

خفيف النفس معسول الحكايا
حسين العدل منسوع الجديله

قصرت الرجل عن شوفه وعذرى
اخاف من الحسد وادرى الجميله

ضاع فكري

يا على وش حياتك باللى وطانى
ضاع فكري وانتثر دمع الشقيه

بستشيرك كود بالراى تىدانى
واطلبك عجل بمردودك عليه

من زريف الطول جانى ماكفانى
حد عن شوفى وانا مقدر مجيبه

ارتجيت الشوف فى عيد ارمضانى
مير زل العيد ما بين عليه

وارتجيت الشوف فى تالى زمانى
قلت يمكن نلتقى عيد الضحيه

زلن العيدن والحقهن ثمانى
منكوى قلبى وزادنه بكيبه

لا تلاقينا ولا مرسول جانى
ولا وصلنى خط من دمع الشقيه

يا على وش حياتك باللى وطانى
ضاع فكري وانتثر دمع الشقيه

البارحة

البارحة يوم اسود الليل غطّأ
روس الجبال ومالح الماي والشط
قلب العنا في رجم الامثال نطّأ
يوم ان كلّ في حلا نومته غط
هاض الضمير وجاب قاف على الطّأ
زبدة كلام وباقي المرح له قسط
على عشيرٍ عند ناله محطّأ
جال وتجول لين بقصا الحشا حط
من اولٍ خلى عليّ يتخطّأ
واليوم قفّا مالفامنه لو خط
لته يعجل بالوصل ما يتبطّأ
قبل الحشا من كثر الافكار ينبط

عاد عيدك

عاد عيدك بالفرح يا نظير عيـني
وإله يعود علي كل خلاني
أبرك الأعياد عيد تلاقيني
فيه أشوفك يا أريش العين طرباني
شونتيك يا كامل الزين تكفيني
ويستريح القلب من كثر الأشجاني
وجعل دايم في قدمه تهنيتي
انت فرحانٍ وأنا فيك فرحاني
أشهد ان العيد العيد المحييـني
كان كلِّ جا يعايد علي الثاني
قلت قولٍ خابرن له براهيني
ومن عشق كد حس في صدق برهاني

يا زريف الطول

يا زريف الطول بسك لاتنجخ
وأرحم اللى صار بيدينك دواه
فى بحركم مركبى شال وشدخ
لين عال الموج ياخلى كساه
غرّق السنبوك والبيص انشلخ
والنويتش تالى الزهبه كلاه
ولاث بى الموج فى سيف صبخ
لاطروش توصل ولا من مياه
مارحمت القلب يوم انه كفخ
مثل كفخ الريح بشراع فراه
ماهو حق منك يوم انه رسخ
فى ضميرى جبك تجدد عناه
الغلى مغليك وان كانه طرخ
بيرق لك غيرنا شاقك هواه
نبندوس النفس لو قلبى صرخ
عشرة هالون ما فيها حلاه

دام قلبك

مرحباً واهلين يا كامل الزيني
يا لطيف الروح يا نور الاعيانى
عرسك اللى قلت لى يا نظر عيني
من غلاكم يا القضى جيت له عاني
ارفع اللولاش دام انت توحيني
لا يهيك هرجة فلان وفلانى
دام قلبك يا اريش العين مغليني
لو خسرت الشوف ما نيب خسرانى
ارتجى لاماك دام انت ترجيني
وان شبكت بغيرنا لاترجانى
عادتي ما نيب طراد مجفيني
جازين بالصد من فيه جازانى

يخلف طبوعه

يا على خلتى نوى يخلف طبوعه
له ليالٍ خطهم شاغله عني
ليت من يكشف تخاطيط مشروعه
هو غلى والا على اخوك متجنى
حالى اللى من هوى البال مليوعه
خايف انه يا على يخلف الظنى
ليت فى فرقاه ما يكمل اسبوعه
والامانى ما يفيدن متمنى
ونتى عقب اريش العين مسموعه
بس اهو جس والعباير يهالنى
حالف ما غيرهم تمشى بطوعه
لا يحسب البيض بجنفاه شاقنى

شاقني

شاقني غرواً من البيض محسوبي
كامل زينه وفي هرجه ذرابه
غصن موزي ما انقطع عنه الشروبي
مستكن ومن نهر دجله شرابه
الحشا ملهوف ونهوده نصوبي
تشتكي من زمة نهوده ثيابه
العيون الحرس يا يوسف سطوبي
والحواجب كنهن ريشة غرابه
وكن لون خدودها شمس الغروبي
او كما جمر تزايد بالتهابه
من تولى في هواها ما يتوبي
وعزتي له في جفاها من صوابه

حل الفراق

حل الفراق وباح ما كان كنيث
وضاق الحشا مما جرى واستلجى
لموم قلبى تسع وتسعين عديت
قامت تصافق فيه من كل فجى
ما فادنى كثر المنا لو تمنيت
ولا فاد بالمجمول كثر الترجى
صار الجزا عقب الولا فه تناخيت
ولا عاد تنفع بالحبيب احججى
عزم على رايه وقفنا وتميت
فى موقفى وازريت اسنع مدجى
وعودت اجاهد عبرتى والتناهيث
لولا ضلوعى خطر قلبى يهجى
افكر واقول لخاطرى لىت يا لىت
يا لىت قلبى عن هواهم يسجى

قال منهو

قال منهو من عنا الوقت عزاله
من ضمير ضاع صيده بمطراده
صار حظّه من زمانه تولواله
والهموم فراش وهجوسة وساده
اشهد ان الموت للعاشق اشواله
دام ما حصّل على غاية مراده
دام ما فارق هجوسه وغرباله
ولا كوى بالغيض والنار حسّاده
وشن يبا في عيشة الهم واحواله
موته اريح من غراييل متعاده
خبروا من قال هالقول من قاله
ولا يجي في هرجي نقص وزياده

سيد الرعايب

هلا فيك يا سيد الرعايب
هلا فيك يا عذب السجايا
هلا يا لقضى والفين ترحيب
هلا فيك يا دمث الشفايا
تهنيت في شوفك و ابا جيب
قصيد الهوى ما به زرايا
وعرس تجونه عنه ما غيب
ولو دونكم سبع النحايا
هل العرس بالله ديروا الطيب
على صاحبي زين الخلايا
أنا فيك يا زين التعايب
أنا فيك ما طعت الحكايا
ألا ليت يا خلي على الطيب
على الطيب تلتهم الرعايا

ياشوق

يا شوق ما غيرك حبيب يسلى
لو خير ولى فى جميع البناتى -
افز طول من مكانى وأهلى
يا شفت زولك مقبل يا حياتى
يا شوق ما غيرك منساى ودواى
حيث ان حسنك كامل بالصناتى
زين ودلال وقدت وعيونك اللى
تجرح وتذبح قبل يوم المماتى
يا شوق دامك بالهوى صافين لى
مالى نظير بالبيض حبك ثباتى
وعينى عليك وخاطرى ما يملى
لا غير الله نيسة المقبلاتى

الصراحة

يا نوره الدجى صارحيني
ما فيه احلى من كلام الصراحه
لا لا يطول الصمت يا نور عيني
بينى وبينك لاتطول المساحه
ابدى خفايا خاطرك واخبريني
خلى السعد يضىف علينا جناحه
عشنا ثلاث اسنين متفاهميني
مرت علينا بالطرب والمزاحه
كان الزعل من سبى سامحيني
حقك على وندرتجيك السماحه
وكان الزعل من هرجة العاذلي
هرج العواذل ما وراهم رباحه
ياالله قولى لى ولا تجرحيني
وش كدر الفرحان عقب انشراحه

ويلاه

ويلاه من قلب نبيته ولا طماع
لا طايح غيره ولا هوب مطبوع
على زمان فات ما هوب رجاع
قام يتقلب كل يوم على نوع
لينه برانى الوجد والمختفى شاع
وخلانى اسهر تالى الليل منجوع
عز الله انى من هوى الشوق مناع
وعز الله انى غارق بالولع قسوع
كل خذاله مع هل الحب مرباع
وانا نصيبي من هوى البال مقطوع
سبتك يا اللى بنت للشور سماع
يا قلبى اللى من حشا الجوف مشاوع

لا تفتكر

يا صاحبي لوني تعالجت ما طيب
ما غير زولك يا الحبيب دولي
عقبك سهرت وعقت لذ المشاريب
وعيني ليا شافت حليك تهلى
عليك يا حلى حسين الرعايب
والا البدل غيرك ترى ما يسلى
ما طعت أنا اللي يكثرون العذاريب
ولو قيل غيرك قلت غيرك بولى
مغليك أنا بالحيل يا وافي الطيب
وزولك وطعك بالقضى جايزلى
ولا تفتكر بنسك لو لاح بى شيب
دامك عزيز وبالهنوى صافىلى

يا نور عيني

يا نور عيني ما تفيد التحاسيف
يا صارت الفرقا طويلا مداها
اللى كتب باللوح ما فيه تحريف
والعاقيل اللى قدرت الله رضاها
بالك يحن ادموع عينك ذواريف
العين جاهها من السهر ما كفاها
بالعون ما قصرت يا غاية الكيف
مير الياقالي قصرت فى وفاها
لا تحسب الدنيا تجى دايم بريف
كل يسموت وحاجته ما نضاها

ذكريات الأمس

الا يا ناشدٍ وشلون حالى
وانا ادري وش مرامك من سؤالى
تمهل لين اكمل لك جوابى
مدام الجوى يا النشاد خالى
واخذ من راس من تشدد علومه
ماهو قولت يقال فلان قالى
انا يا ناشدى ما نيب مثلك
ولا فاجاك ربع اللى جرالسى
تعكر مشرب لى كان صافى
وعاكسى زمان كد صفالى
وخلانى سهير طول لىلى
اسامر طيف خلى فى خيالى
اهيم بذكريات الامس دايم
واسلى خاطرى طول الايالى
لاجل ما عاد لى غير التذكر
سقاك الله يا وقت مضالى

باب المآورات

محاورة بين الشاعر مسلم البحري والشاعر مرزوق الحبيني

عزاه يا قلب نقل هم جرحين
غدى لمن بأقصى الضمير التزازي

ونيت ونة من غداله جنينين
ابا التلزي مير ما نيب لازي

وامشى متيه مدري يمتي وبين
وايضا ترانسي يا قعدت متوازي

سبة وليف الروح سييد المزاينين
ابو خديد كن به نقش غازي

يوم استدار وسلاهم بطرة الدين
فت الضماير مثل فت الجزازي

اقبل علي وقال تبا لك بنا شنين
اثرى لكم بالقلب ناس اعزازي

حلفت له باللي خلقنا من الطين
وباللي فرض دينه علينا وفازي

انه وحيد بالحشي كامل الزين
وغلاه عن كل البشر بامتياز

ما صدق المجمعول حلفي بالأثنين
واقفى وخلا في حشاي امتزازي

مرزوق وش حيلتك يا موفى الدين
ترى عن المجمعول ما نيب عازي

رد الشاعر مرزوق الحبينى

عزاه يا نومٍ تحارب مع العين
من البحيرى صار بالعين جازى
سهرت ليلى والحلايق منيمين
والقلب به من حر ما فيه وازى
قعدت أفكر تايه بين ثنتين
صار الفكر فيهن عديم وشازى
الأوله يا شين طرد المجفين
طرد المجفى يلحق النفس خازى
والثانيه وشلون جمع البغيضين
لو جمعهم يصير بالقلب لازى
فكّر ترى عقب الاحديجى الأثنين
وعقب المحبه يدخل البغض غازى
معزتك عنده جلبها بفلسين
لو هو يجبك مستوى لك حيازى
تراك منت من الرجال المبيلين
أفهم وخلقك دايم الدوم نازى
وان كان منت بطابع هالبراهين
مجبور فى خلك ولاعنه عازى
أنا ترى وياك أول وهالحين
ولازم أوصلك المكمان العزازى
والخاتمه نطلب اله المصلين
انه سهل كل ما كان شازى

محاورة بين الشاعر عبدالله هلال الصواغ وشاعرنا الشاب مسلم البحري

قال الشاعر : عبدالله

يقول من لضليح الامثار واقا
بيدع حسيين القاف من يوم واقى
الله من جفنٍ عن النوم تاقا
جفنٍ جراله ياخو حامد معاقى
جسى غدا من حب خلى ادقاقا
والكبىد كن ابها اسهوم وحرأقى
من سية الآى صار شوفه شفاقا
عندى قريب وكن به كمر ساقى
يا قلت له ودى معاك انتلاقا
شفتى على شوفتك والصدر ضاقى
نسبى عشيرى عهدنا واتفاقا
واقفى وخلاى ادموعى سواقى
أنا احسين الزين قلبه ارتاقا
واثيريه يا مسلم مشى بالنفاقى

قال الشاعر مسلم

حييت يداعز الشرف والرفاقا
ياالله عسا راسك على العز باقى
بالعون ماجيت المثايل امراقا
وهذا الذى بك يابن هلال هاقى

وبالعون ماخنت العهد والصدقا
ذكرتني يوم الحشا منك ضاقي
تشكى من اللى عن ممشيك ماقا
عقب الولا فه عن هوى النفس ماقى
شورى عليك اترك طريق الحماقا
واترك هوى اللى جازم بالفراقى
يا صار ما يسقيك حلو المذاقا
صبر على مثله حشا ما يطاقي
خلك عزيز ولا تجيله اعلاقا
جعل الولى عن مثل ذلك يتاقي
ومن لا يودك نور عينك فراقا
كد قالمها اللى من عنا الوقت شاقى
وما كل نفس طيبها بندفاقا
المرجله حيد عسير المراقى
عساك تسلم يا زبون الرفاقا
واحرص ودر بالاك تضيع المهاقى

محاورة بين صالح فالج الجوسري وشاعرنا الشاب : مسلم حميد البحيري

هات القلم واكتب كلام مصفا
بسلام اكثر من ثمر نبت الاوراق
سلام احلى من حليب مدفا
در البكار بلذته عند ما افتاق
اعداد ما طير بريشه يرفنا
واعداد ما بين مع الصبح الاشراق
واعداد ما فوق المطابع يصفنا
من الحروف وعد ملاح براق
للصاحب اللي يانصى ماتخفا
ابو حميد للدواجيب يشتا
يعطيك حقلك يا نصيته موفنا
من عادته ماهوب للقف سراق
قله ترى قلبي من اقصاه جفا
ومع النشاف بداخل القلب حراق
والعين عيا دمعها لا يكفنا
والنوم عنها صار ابعده من براق
على عشير شاقني يوم قفنا
وهليت من عقبه من الدمع غراق
ولا درى على ايا ديرة يتلفنا
اقفا وقفوا به على زين الامراق

اقفا وقلبي ما بلغ منه شفا
عزى لقلبي من عقب مدمج الساق
واليوم انا طالبك بالك تعفا
تكفى ياخو حامد ترى الموت ذراق

جواب مسلم البحري
على قصيدة الشاعر
صالح بن فالح الجوسري

حى الجواب اللى لفانى على أفا
واهلاً هلابه عدما نايمٍ ففاق
واعداد ما بدرٍ ظهر واستكفا
واعداد ما عقب الضحى دار الاشفاق
واعداد ما نارٍ تشب وتطفأ
واعداد ما بالكون من خلق خلاق
باللى جوابه لف الافكار لفأ
لقة طويل الحيط فى كف حداق
اللى من الفرقا فتح لى ملفأ
وابدى على بما خفا يوم هو ضاق
يا عبيد قلبه صاحبك ما تعفأ
خمسة ليالٍ جفنه النوم ماذاق
لينه لقى المطلوب بنزٍ مصفأ
جديد يومه لرئش العين مشتاق
انا على يمناه كف بكفأ
والا انت باليسرا على البنز سواق
نبي ندور صاحبك وين هفأ
ابنشد البدوان واللى بالاسواق

واليا اذكروا حلو النباوين صفا
نجيها لو دونها قطع الاعناق
وجاه الخبر والدمع قلبه يكفنا
عندي على قولى شهود وميثاق
بيذل جهودي والردى مايعفنا
ومثله كـ ريم وعاذر كل عشاق
انا لشكوى مثلهم ماتخفنا
ابن من الشعلة على روس الارياق

محاورة بين العرييد والبحري

وصلتني هذه القصيدة من احد القراء الكرام وهو الشاعر عبدالله العرييد
المطيري ويطلب مني الرد

مض الليل ودهوعى على الخد همامي
اهوجس وادير افكار لين أذن التالي
تصبرت لين ازريت من ضيق خاطري
هموم عثت بالقلب وزداد غربالي
هموم تضايقتي وفرقتي تهدني
وبلوى تبكييني وتبري لي الخالي
اجاهد جموع الوجد بالصبر والرجاء
وانا في رجي الله ثم رجوى هوى البالي
حبيب صفتلي نار هجره ولاعني
وانا مرخص له باذوى الحال والمالي
انا بشتكى ما صابني منه للولاي
واسند على طير السعد زين الامثالي
ابشكى لبو حميد واشرح قضيتي
لمستلم المعروف باقوال وافعالى
بحر المعانى وافر العرف والذكاء
رحب النضا ومعرب الجدو الخالي
الايا مستلم قل حيلى وحيلتى
سبب واحد قفى وزواله يورائى

هجرني وأنا ما عمري أغضبت خاطره

ولا اخفيت له غير الوفاء طيب الفالسي

وانا ما حسبت احساب هجره وصده

احسبه مثل مبداء جنات واطلالي

نصلي محابيله لما اصطاد خافقي

وعود على صيده يوريه الانكالي

بصد تمزع منه معلوق مهجتي

ارى الجسم من فعله يباريه سلالى

الى من طرى هجره تضايق بى الفضا

ويدك بى عقب الهدوء ضيق واهبالى

الا يا لبحيرى ظرنى هجر صاحبي

وامسيت من فرقى القضى كندر الاحوالى

تعرفت الهوى يابو حبيد وتبخصه

مته غشيم وتدرى الحب قتالسى

جوابي على قصيدة عبد الله العرييد المطيري

يا امر حبابك عد ما هل همالي
او عد ما لاح برقٍ بالسما العالى

وحيت يا العرييد والفين مرحبا
من خاطرى في خطك اللى تعالى

تخية لامثالكم نبتدى بها
عادات اخذناها من اجيال لخيالى

لو كان ما بيئى وبينك معرفة
با فزع لشغوم لفى منه رسالى

قررت يا العرييد خطك وهزنى
لو كان به تجيب من عقب الشمالى

قافٍ تعدلونه وقيفان تنعوج
اتلاه با لسامر ومبداه با هلالى

عرفت يا العرييد مضمون جابتك
تشكى وشكواى انا وأنت للوالى

تشكى عنودٍ ذوب الحال هجرها
لاعتك يا الممدوح من بد الازوالى

ذقت الكدر من هجرها عقب طربتك
وشربت كاس المر عن شربك الحالى

وانت الذى تمشيله الطيب والرضا
وحطيتله فى ماسط القلب منزالى

وهبتله حالك ومالك ومهجتك
واثره فى عشرتك غادراً وختالى
اقفى عقب ما شاف حالك تلوعت
ما سال عن طيب بدا منك ما سالى
انكرك عقب الطيب وانكر جمابلك
خلاك للافكار مرسى ومدهالى
بأسالك من لاماه وش عاد ترتجى
يا صار فى عشرتك ماكر ودجالى
ان كان تطلب يا المطيرى نصيحتى
خلك جزوم وللتقيات حمالى
ما كل رجال ليا هيز يرتكى
ولا كل من يحكم بالاحكام عدالى
بالناس من شوره يحدك على الردى
وبالناس من شوره يصعدك للعالى
اوصيك عز النفس لو تشرب الكدر
ولا العسل من كف شينين الاعمالى
من عاف شوفك شوفته وش تبي بها
للى تبدل عنك دور له ابدالى
ما دامت الراحات لاحد من البشر
هذى سوات الوقت بالناس ميالى
هذى تماثلى وشورى ويا هلا
ويا مرجبا بك عد ما هلى همالى

ما قاله الشاعر فالح الشمالي

لاتولع بالهوى تكوك صغير
لايشوقنك غنا دبير البنات
ما عرفت اللى جرى واللى يصير
الليالى يا مسلم مجيلات
كد زفرنا من سبايهن زفير
فات نصف العمر ما ذقنا حالات
وانت مثل اننى يصوت وسط بير
سد طاروق الهوى والوقت فات

الشاعر
فالح الشمالي

جواب البحيرى على الشمالى

مرحبا بك عد ما هل الغدير
وعد ما يزرع ويثمر من نبات
والتحيه عد ما طير يطير
او عدد ما وقع عن الحايما
بالرفيق اللى على مسلم يشير
ويغزل الميجور عن حلو الصفات
يا الشمالى بالهوى سنى صغير
مير حب الترف فى قلبى ثبات
ثابت حب الحبيب بالضمير
مثل ثبت الموت فى تال الحيات
والهوى ما يفرق صغير وكبير
سنة للناس فى كل الجهات

وصلتني هذه القصيده من الشاعر سالم اللميع
طالباً مني الرد عليها :
الله من قلب

البارحه فكرى غدا فيه وشواش
من واحد جبه يحش الحشى حش
عقب الغلا صار اريش العين غشاش
الله يعاقب يا لبحيرى هل الغش
عروق قلبي عقبه اليوم عطاش
والدمع من عيني سوات المطر طش
طاع العدو خلى سمع هرجت الواش
وعزى لقلبين فى هواهم تبلش
اتعبت نفسى بالبحيرى على ماش
ولا حصل شين بطرب وينعش
غير هوانا كل عاذل وحشاش
يحميك منهم ربنا والى العرش
راعى الحسد دايم عن السر فتاش
ويرتاح لامنه بعرض العرب حش
يابو حميد كيف عقبه بنعشاش
كيف اتصرف والغضى بالهوى غش

جوابى على قصيده الشاعر سالم اللميع يا مرجبا

يا مرجبا فى خط من هيض الجاش
وادعى ضميرى للتماثيل ينش
واخذت لى فى بحر الامثال مطراش
ولولاك يا سالم فلا فيه نظرش
بأهديك كلمات كما الدر واقماش
ولا عاد فينا يابن حزمى تحرش
ان كان قلبك صامل مابه ادغاش
اسمع كلامى وافعله بالذى غش
وخلاك مهموم بالافكار منداش
كن العقل فى رأسكم يا فتى نش
من باعكم بالرخص يعوه بيلاش
هذا جزى من غش ثم احرق العش
تلقى عوض من غش مكحول الارماش
غرو حسيين اطباع مير انت فتش
واوصيك يا لمدوح عن رفقة اللاش
لوهو على دربك لك الزل يفرش
ولياك تبعد يابن حزمى عن الطاش
وما كل بحر يا فتى الجود يندش
ترى الهوى مثل البحر ماله قياش
ومن لا يحسب للعواصف تفلش

هذه القصيده وصلتني من أحد أصدقائي الاعزاء يقول فيها: - ريم الفلا

مرحباً يا ريم يا مئة هـــــلا
هلت الانوار منك يا جميل
مثل بدرٍ شمع نوره وانجلا
من خلال الغيم فى حسنه يهــــل
السمر فى جيتك طاب وحلا
والتقوا الاحباب حل مع خليل
خاطرى يا شوق عنك ما سـلا
الوله والشوق هم اكبر دليل
دايمٍ ذكرك على بالى ولا
التفت للغير او قلبى يهــــل
لو ادور الكون فى كل المـلا
لاخشى ماشوف لى غيرك مثـل
كامل الاوصاف بالحمن امتـلا
لوا عدد ماحوى شرحه طويـل
يا مسـلم غايى ريم الفـلا
مخلص يا ابو حميد ما اعـيل
شوف قلبى يا مسـلم واسـئلا
هل سكن به واحدٍ غيره بديـل
معشر الاحباب والعشـق وهـلا
عندهم بالحـب ما كـو مسـلتـحـيل
لاتلوم اللى يحـب وتعـذلا
مثل ما قيل الهوى كـثر نخـيل

جوابى على قصيدة الشاعر الصديق العزيز يا هلا

يا هلا يا مرجبا يا مسهلا
فى كتاب الشاعر الشهم الاصيل
عد ما حرف يمينه سجلا
وعد ما تشدى الحمام بالهديل
بادى لك بالترحب اولاً
وعقبها بأهديك رأى به ذليل
دام أنا ملزوم فى ردى ولا
لى مصدٍ دام فى جاشى حصيل
كيف اليوم اللى تولع واعذلاً
والهوى معروف من جيلٍ لجيل
واهنى اللى هوى البيض اشملاً
واهتنى فى شوفهن صبح وليل
باختصرها لا تطول المسألاً
حب من يهواك والمولى كفيل
وآنت ياريم البوادى والقللا
يا لطيف الروح يا الطرف الكحيل
حق من نزلك بأحسن منزلاً
منك يلتقى الحب والشوق الجزيل
موجب أن البعد للعاشق بلا
والمواصل كالدوى يشفى العليل

وصلتني هذه القصيدة على عنواني بمجلة النهضة وقد طلب مني شاعرها بأن
اجاوبه عليها علما بأنه لم يذكر لى اسمه او عنوانه فأطلقت عليه لقب الشاعر
المجهول ، ،

واليكم قصيدته

يقول من نفسه

يقول من نفسه عن الزاد طاييه

والقلب من ما صاب الايام صاييه

يفز من نومه ويسرح يقضته

حاله سقيم والمعاليق ذاييه

ذاله احساب ايام ما اسر خاطره

ومن الردى عيت تفيده طاييه

يا حامل المرسال وده مستلم

شجاع ربعه منه الاسباع هاييه

بلغ سلامى له وخصه تحيتى

واحرص برد الجيل من على جلايه

قله سباب علتى يا صاح واحد

غرو سباب قلبى وزيد مصاييه

الجادل اللى بين الاضلاع صابى

ليته قريب لى وانا من قرابيه

طفلي يفل الرأس بالزين كامل
يا ما عفا هلت علينا ذواييه
واليوم يا مسلم بدا الياس دونه
مدري شجري وش غيره في حيايه
اصبح عنيدي ما يود التحدث
مع الذي ينثر ادموعه سبايه
يا كيف يا مسلم نسا ما منا
حبل الوصل جره وقطع نصاييه
كل السبل في كامل الزين قصرت
يا ابو حميد يا معرب عرايه
اليوم شورك يا مسلم بحالتي
حيثك عريف بالغرام ودرايه
عجل علي وقل رأي مبارك
يقول من نفسه عن الزاد طاويه

صافي سجايبه

اهلاً عدد ما هل صافي سجايبه
او عدا ما تشرب من الماء ترايبه
في خط من شارك ضميري ضميره
لين ان ناره صرهدتني لهايبه
لو كان ما بينت حرف من اسمكم
حق على المطلوب يوفى طلايبه
ساعة قربت الخط هاجت بضمامري
اذكار وقت ما نسينا عجايبه
هجس يوديني وهجس ييجيني
وهجس اليافقا يجي ذاك نايبه
يا شيت وشسويت في ضامر الذاي
نفسه عن الطاروق والغى تايبه
هيجت لك بحر من العام مستقر
وارجف ضمير عنه الامثال غايبه
واحييت لك ذكرى من العام ميته
وانعشت لك روح من البين شايبه
وطيرت عن عيني حلا النوم واعلنت
حرب على الراحات تفجع نكايبه
حقيقه ان المخرج مفتاح ماخفا
ومن زان منضوحه تُقدر جنايبه

عرفت مطلوبك وغايات خاطرک
باسباب ما وضحت لى فى كتابه
تشكى عنودِ خالى القلب عقبها
يست بساتينه ونشت قلايبه
تقول يا مسلم نسا ما مضى لنا
وجبل الوصل جره وشلع نصايه
عندى خبر فرقا من اغليت كايده
وعندك خبر رجواك ما هى بشايه
من صد من نفسه بلا ذنب او سبب
اعرف على غيرك يوورد ركايه
انظر لشمس الصبح لوين تتجه
لو شعشت بالنور لابد غايه
ما دام للمخلوق راحت خاطره
ولولا المصاب ما عرفنا نجايه
خله على عمياه يطرخ بمالقى
الله كريم وحكمته فى عقايه
ودور وتلقى من يقدرک جانبه
غرو يسلى خاطرک فى لعايه
بالحل خلان وبالاديار ديرة
وبالجار جيران وبالبيض صايه
وشورى عليك النفس تمشى بعزها
وتحمد ولى ما تعدد وهايه
ويكتيك عن عربى مقاديم جابتى
ارجف ضميرٍ عنه الامثال غايه
لو كان ما بينت حرفٍ من اسمكم
اهلا عدد ما هل صاني سحايه
وبعد ان اجبت على قصيدة الشاعر المجهول ونشرت القصيدتين تبين لى ان
الشاعر المجهول هو الاخ الشاعر خالد مطلق الحضيفه

هذه القصيدة ارسلتها الى الشاعر عاصى المسيلم

واحيلى اللى سَيّد البيض بـذا
واحالى اللى سمّرت للنقاصى

ما عاد من جسمى حشا اليوم فذا
الاعظام كنهن المقاصى

سبّة وليفٍ عن مماشيه شذّا
عهد الموده بدله بالمعاصى

عفت المنام وعفت كل الملذّا
ولالى جدا غير أنهم اليوم عاصى

رجلٍ على نهج المعرفة بـذا
الطيب ساس له ولا عنه حاصى

يفزع لشخصٍ من هجوسه توذا
لاخيّب الله ظن من جاه ناصى

ارسل الشاعر سعد زيفر حمود هذه القصيدة لشاعرنا البحرى يقول فيها :

بسم الله الرحمن قبل المناصى
واليا بدا الرحمن ركب على آص

يا لله يا للى للمخاليق حاصى
يا مظهرٍ من غبة المهير غواص

تألف بحالٍ بان فيها النقاصى
من ناقصٍ فى ناقصٍ دوم بأنقاص

بالله ياللى يمة الشرق ناصى
خص البحرى وانخره بد الاشخاص
ورد التحيه مع جزيل الخلاصى
تحية اللى ممتلى قلبه اخلاص
لاياخو حامد لو بغيت المحاصى
عن طرد غزلان المها يمهن حاص
قلبي كما الديره وهن فيه ماصى
ولا يستوى ديره بلا عقرب وماص

جواني على قصيدة الشاعر سعد زيفر حمود

يا مرحبا باللى لفا اليوم ناصى
وبالشاعر اللى خصنى بد الاشخاص
اعداد ما تتمر نخيل الخلاصى
وأعداد ما تومى الهباب بالاخواس
امسيت من خطه وانا بأختصاصى
مثل الورق يا صار بيدين خصاص
واصبحت انقى شغلى واختصاصى
حتى يعرف انى بذا القاف بخصاص
وخذ ردها ماهوب ذا القاف عاصى
من شاعرٍ ما يستجب التغلفصاص
قلبي فطينٍ وفاهمٍ فى مفاصى
وعندى لمن عتر قوافيه مفراص
وعندى عسيرات المثايل ارخاصى
الا الهوى ما شوف لك منه مخلص
والبيض ما منهن فكاك وخلصى
ودرب الهوى يا الترم ما منه مخلص
قلته وانا مالى ملاذ ومناصى
ولا نيب لدروب المخاليق قصاص
وكل على شفته قوئى الحراصى
ولولا الروع ما يطرد للصيد قناص

خاتمة الديوان

الا يا الله ياغفار يا اعلام بالاسرار
قدير تخلق الخلق وتميت و ثم تحييها
رجيتك وارتيجتك ياولي للخطا غفار
الا يا الله لاتقطع رجا اللي منك راجيها
تفرج كربة اللي في علاجه عمست الابصار
عجز طب العرب والغرب عينه لايداويها
انا اللي راضى بحكمك وباللي ما بعد قد صار
لاجل ما تبصر نفسٍ وحكمك ما ابتصر فيها
اكن العبره القشرا واداريها عن المظهار
لاجل ما تنفع الشكوى على من لا يشكيها

الفهرس

١٥	المقدمة
١٧	الشاعر في سطور
١٩	هذا كتابي
٢٠	درة الخليج
٢٣	عيد الوطن
٢٤	في رثاء الامير الراحل الشيخ صباح السالم الصباح
٢٦	بمناسبة عودة سمو ولي العهد الشيخ سعد العبدالله من الخارج
٢٧	بمناسبة افتتاح ديوانية شعراء النبط
٢٨	الحكم والامثال
٢٩	من عاداتنا
٣٠	يا العين
٣١	الحمد للى
٣٢	الالفية
٣٧	وصية
٣٨	سلام منى
٤٠	هلا فيك
٤١	دستور الليالى
٤٢	وقت السعه
٤٣	البارحة
٤٥	خط لقائي
٤٧	تهنيت

الشاعر مسلم البحيري



سطور من المقدمة

بقلم سعادة الشيخ عبدالعزيز السعود الصباح

يسرني أن استهل هذه المقدمة بجزيل الشكر لشاعرنا الشاب السيد مسلم حميد البحيري الذي وضع بين يدي جميع قصائده التي اختارها ليضمونها هذا الديوان وطلب مني الاطلاع عليها ولا أقول أنه طلب مني ابداء رأي فيها وذلك كما هو معلوم اني اعرف شاعرنا الشاب حق المعرفة وسمعت له الكثير من قصائده التي حازت اعجابي ورضائي التامين لما تمتاز به من جزالة بالمعنى وسلاسة بالاسلوب وصدق بالتعبير واني اتنى له التقدم والتوفيق .